

къимат кадалтути сари: цаибил кабалтуси саби сочинениела бух1набуцлис ва гъайла устадешлис, к1иибил-хат1а агарли лук1нилис. Цаибил къимат литератураличи, к1иибил биалли дарган мезла грамматикаличи хасдирути сари.

Гъайла жавабти къиматладирни

Гъарил классла программа х1ясибли буч1антала гъайла жавабтас къиматуни дедлугух1ели, пикрилизи касес чебиркур.

1. Текстла мяг1на ва руркъуси произведениела идеяла ва художествола шайчибси бух1набуц бални.

2. Кадиркути анц1букъуни-ургабси бархбас, геройтала х1ял-т1абиг1ят ва баркъудлуми къиматладарес бални.

3. Бяркъурси произведениела идеяла ва эстетикалашалси мяг1на гъаргбирнилизиб художестволати къяйдуртала къадри бални.

4. Класслизир ва чула дяркъурти произведениебала анализ бирух1ели, литературала теорияла шайчирти багъудлуми дархъли пайдаладирес бални.

5. Заманала ва жамиг1ятла х1яракатла бек1лидиубти идеяби х1ясибли художественное произведениела анализ бирес бални.

6. Литературный мезли саркъахъили, гъаб-г1ергъили, устадешличил жаваб лугес бални; классуначи лайикъти т1алабуни х1ясибли текст хъярхъли, бархъли ва саркъахъили белч1ес бални; 5 класс—минутли 100-110 гъай, 6 класс—110-120 гъай, 7 класс—120-130 гъай.

Челирти классуназибра буч1нила цаургабси къалабадеш минутли 120-130 гъай х1ясибли биэс асубирар.

Нушани чедир гъандушибтачил бархбасахъи1: «5» къимат кабалтуси саби руркъуси произведениела мяг1на мурхъли аргънилис ва бурес балнилис; кадиркути анц1букълуми-ургабси бархбасли, геройтала х1ял-т1абиг1ятлис ва баркъудлумас, произведениела идеяла-эстетикалашалси мяг1на белгибирнилизиб художественный къяйдуртала къадри балнилис, художественное произведениела анализ бирух1ели, литературала теорияла